

खबरां शिवि सूरि कोला

- केंद्री गृह सचिव गोविंद मोहन होरें कल होने आहली नागरिक सुरक्षा मॉक ड्रिल दी तैयारियें दी समीक्षा करने लेई राज्यें ते केंद्र शासित प्रदेशें दे मुख् सचिवें कन्नै वीडियो कांफ्रेंसिंग राएं बैठक कीती।
- पहलगाम आतंकवादी हमले दे बाद होई दी उच्च स्तरीय बैठकें दी श्रृंखला च अज्ज नमीं दिल्ली च राष्ट्रीय सुरक्षा सलाहकार अजीत डोभाल होरें प्रधानमंत्री नरेंद्र मोदी हुं'दे आवास पर मुलाकात कीती।
- संयुक्त राष्ट्र सुरक्षा परिषद नै पहलगाम आतंकी हमले गी लेइयै इक्क क्लोज डोर सत्र दौरान पाकिस्तान पर सुआल पुट्टे।
- भारतीय समुदाय पहलगाम आतंकवादी हमले दे पीड़ितें कन्नै इकजुटता व्यक्त करने लेई विश्वभर च शांतिपूर्ण रैलियां ते प्रार्थना सभा आयोजित करा रदा ऐ।
- प्रधानमंत्री नरेंद्र मोदी होरें आस्ट्रेलिया दे प्रधानमंत्री एंथनी अलबनीज होरें'गी दुए कार्जकाल पर ममारखां दित्तियां।
- अल्पसंख्यक मामलें दे मंत्री किरिन रिजिजू होरें वियतनाम दे हो ची मिन्ह सिटी च संयुक्त राष्ट्र वेसाक दिवस दे उद्घाटनी समारोह गी संबोधित कीता।

<><><><><><>

PM-NSA

पहलगाम आतंकी हमले मगरा उच्च स्तरीय बैठकें दे चलदे नमीं दिल्ली च राष्ट्रीय सुरक्षा सलाहकार अजीत डोभाल होरें प्रधानमंत्री नरेंद्र मोदी हुं'दे कन्नै उन्दे आवास पर मलाटी कीती। रक्षा सचिव राजेश कुमार सिंह होरें कल प्रधानमंत्री हुंदे कन्नै मलाटी कीती ही। एहदे थवां पैहले वायु सेना प्रमुख एयर चीफ मार्शल अमरप्रीत सिंह होरें बी प्रधानमंत्री हुंदे कन्नै बैठक लाई। नौसेना प्रमुख एडमिरल दिनेश के. त्रिपाठी ते सेना प्रमुख जनरल उपेंद्र द्विवेदी हुंदे कन्नै बक्ख-बक्ख बैठक लाई। तोआई, केंद्री गृह सचिव गोविंद मोहन होरें कल होने आहली नागरिक सुरक्षा मॉक ड्रिल दी तैयारिएं दी समीक्षा करने लेई राज्यें ते केंद्र शासित प्रदेशें दे मुख् सचिवें कन्नै वीडियो कांफ्रेंस राएं बैठक लाई। गृह मंत्रालय कार्यालय च होई दी बैठक च नागरिक सुरक्षा दे महानिदेशक, राष्ट्रीय आपदा मोचन बल एन.डी.आर.एफ दे महानिदेशक ते होर दुए वरिष्ठ अधिकारी शामिल होए।

<><><><><><>

Cashless-Treatment

सरकार नै मुख् भरै च शिड़क हादसों दे पीड़ितें लेई बिजन नगदी आहले ईलाज सरबन्धी योजना गी अधिसूचित करी दित्ता ऐ। इस योजना दे तैहत पीड़ित गी बहोबद् डेढ लक्ख रुपे तोड़ी दे इलाज दी सहूलत उपलब्ध होई जाग। शिड़क, ट्रांसपोर्ट ते जरनैली शिड़कें सरबन्धी मंत्रालय आसेआ जारी इक्क गजट अधिसूचना मताबक एह स्कीम 5 मई 2025 सवां लागू होई जाग। मोटर गड्डी दा इस्तेमाल

करदे होई शिडक हादसे दे शिकार होने आहला कोई बी व्यक्ति इस योजना तैहत बिजन नकदी पैहें दे ईलाज कराने दा हकदार होई जाग।

<><><><><><>

Asthma-Day

केंद्री सौआस्थ मंत्री जगत प्रकाश नड्डा होरें आखेआ ऐ जे अस्थमा दे उन्मूलन लेई शुरूआती निदान ते उचित इलाज महत्वपूर्ण ऐ। श्री नड्डा होरें सोशल मीडिया पोस्ट च आखेआ जे विश्व अस्थमा दिवस अस्थमा दे बारे च जागरूकता बढ़ाने ते इस थमां पीड़ित लोकें दी दिक्खभाल बढ़ाने लेई इक महत्वपूर्ण मंच दे रूपै च कम्म करदा ऐ। उनें नीति बनाने आहले सौआस्थ सेवा पेशेवरें ते समाज थमां देश च अस्थमा कन्नै सरबन्धित मुश्कलें गी घट्ट करने ते साहू सरबन्धी सौआस्थ गी बढ़ावा देने दी बी गुजारश कीती।

<><><><><><>

Gyanpath-Design

स्वतंत्रता दिवस समारोह 2025 दे हिस्से दे तौरा पर रक्षा मंत्रालय आसेआ MyGov दे सहयोग कन्नै पैहली थमां 15 मई तगर ज्ञानपथ दे डिजाइन लेई प्रतियोगिता दा आयोजन कीता जा'रदा ऐ। एहदा मकसद युवाएं ते जनता च देशभक्ति दी भावना गी बल देना ऐ। प्रतिभागियें गी लाल किले च एनसीसी कैडेटें, NSS दे स्वयंसेवकें ते स्कूलें दे बच्चें आसेआ बनाए जाने आहले फार्मेशन गी डिजाइन करना होग। पैहले त्रौन जेत्तुएं गी 10 जहार रपे जिसले के पहले 250 प्रतिभागियें गी ई निमंत्रण पत्र थ्होग जे ओहू अपने इक साथी कन्नै इस समारोह दे साक्षी बनी सकन। डिजाइन गी MyGov दे दिशा-निर्देशों दी पालमा करनी होग।

<><><><><><>

UNSC-Pahalgam

संयुक्त राष्ट्र सुरक्षा परिषद नै पहलगाम आतंकवादी हमले गी लेइयै इक Closed door सत्र दौरान पाकिस्तान पर सुआल पुट्टेआ। इस हमले च 26 लोकें दी मौत होई गई ही। एहू सत्र भारत ते पाकिस्तान बश्कार बददे तनाऽ कौलकाल होआ। खबरें मताबक परिषद दे केई सदस्यें पाकिस्तान दी आलोचना कीती ते इस हमले च पाकिस्तान आधारित आतंकवादी गुट लश्कर-ए-तायबा दी भूमिका गी लेइयै चैंता व्यक्त कीता। संयुक्त राष्ट्र सुरक्षा परिषद दे अध्यक्ष Evangelos Sekeris होरें आखेआ जे एहू बैठक उत्पादक ते उपयोगी रेही। उनें संपत्ति गी समर्थन देने ते तना गी घट्ट करने च परिषद दी भूमिका दा जिक्र कीता। पहलगाम च आतंकवादी हमले दी निंदा करदे होई उनें आखेआ जे इस घटना करी होए दे दुख ते गमो-गुस्से गी समझेआ जाई सकदा ऐ।

<><><><><><>

Pahalgam-Attack

भारतीय समुदाय पहलगाम आतंकवादी हमले दे पीड़ितें कन्नै इकजुटता व्यक्त करने लेई विश्वभर च शांतिपूर्ण रैलियां ते प्रार्थना सभा आयोजित करा रदा ऐ। एहू प्रदर्शन हिंसा दी सामूहिक निंदा ते आतंकवाद दे सामने शांति ते न्याऽ लेई इक सांझा आह्वान ऐ। अमरीका च भारतीय समुदाय नै

अटलांटा च इक विरोध रैली दा आयोजन कीता। इस च अमरीकी कांग्रेस दे रिच मैक कार्मिक होर शामिल होए। उनें आतंकवाद दी निंदा कीती ते चरमपंथी हिंसा दा मकाबला करने च अंतरराष्ट्रीय इकजुटता दा आह्वान कीता। शिकागो दे शाम्बर्ग च नेशनल इंडिया हब नै कई भारतीय संघें कन्नै रलियै इकसभा आयोजित कीती। एहदे च भारतीय महावाणिज्य दूत सोमनाथ घोष होरें एकता, चेता ते संकल्प दा संदेश दिता।

<><><><><><>

UNDP-AI-India

आर्टिफिशल इंटेलीजेंस दे क्षेत्र च भारत दी कौशल क्षमता पूरे विश्व च सब्भनें शा मती ऐ। अज्ज जारी कीती गेदी यू.एन.डी.पी दी रिपोर्ट मुताबक देश नै ए.आई दा इस्तेमाल करियै करसानें ते निक्के बवसायें गी सशक्त बनाने च महत्वपूर्ण प्रगति कीती ऐ। 5 मिलियन शा मते साफ्टवेयर डेवेलपर्स दे कौशल कन्नै भारत ए.आई, परिदख च लगातार विकास करा रदा ऐ। रिपोर्ट च सौआस्थ सेवा ते कृषि ज्नेई महत्वपूर्ण क्षेत्रें च ए.आई दे प्रभाव एकीकरण पर बी लो पाई गेई।

<><><><><><>

Jitendra-Space

अंतरिक्ष ते परमाणु उर्जा राज्य मंत्री डॉ. जतिंद्र सिंह होरें आखेआ जे गगनयान मिशन दी सफलता यकीनी करने लेई नौसेना महत्वपूर्ण भूमिका निभागा। नमीं दिल्ली च संवाददाताएं गी संबोधित करदे होई श्री सिंह होरें आखेआ जे बरा 2026 इक ऐतिहासिक बरा होग जिस च भारत अंतरिक्ष ते समुंद्र दी गहराई दा पता लाग। डॉ. सिंह होरें रॉकेट पहल लेई अंतरिक्ष विभाग दे नमें मॉडल ते प्रधानमंत्री गति शक्ति, स्वामित्व, स्मार्ट सीटीज़ ते अमृत जनेई राष्ट्रीय कार्यक्रमें च अंतरिक्ष ते ड्रोन प्रौद्योगिकी दे बढदे उपयोग पर लोऽ पाई।

<><><><><><>

Scindia-Smart Phone

संचार मंत्री ज्योतिरादित्य सिंधिया होरें आखेआ जे स्मार्ट फोन हुन छड़ा संचार दा जरिया नेई होइयै विश्व दी सूचना दा प्रवेशद्वार ते सशक्तिकरण दा माध्यम बनी चुके दा ऐ। नमीं दिल्ली च अज्ज 22में भारत टेलीकॉक 2025 दे उद्घाटन समारोह च श्री सिंधिया होरें आखेआ जे भारत विश्व च दुए सब्भनें शा बड्डे टेलीकॉम बजार दे रूप च उभरी चुके दा ऐ। उनें आखेआ जे देश च 1 अरब 20 करोड़ मोबाइल उपयोगकर्ता न। श्री सिंधिया होरें आखेआ जे ब्राडबैंड उपयोगकर्ताएं दी गिनतरी 1 दाहके पैहले दे 8 मिलियन उपयोगकर्ताएं थमां बढिये अज्ज 950 मिलियन शा मती होई गेई ऐ। उनें आखेआ जे इंटरनेट उपयोगकर्ताएं दी संख्या 250 मिलियन शा बढियै 970 मिलियन होई गेई ऐ।

<><><><><><>

PM-Australia

प्रधानमंत्री नरेंद्र मोदी होरें आस्ट्रेलिया दे प्रधानमंत्री एंथनी अलबनीज हुंदे नै गल्ल कीती ते उनेंगी उन्दे ऐतिहासिक दुए कार्यकाल पर ममारखां दित्तियां। गल्लबात दौरान प्रधानमंत्रियें दौनें देशें बश्कार व्यापक रणनीतिक सांझेदारी गी मजबूत करने दी अपनी प्रतिबद्धता दोहराई। उनें आखेआ जे अपने 5 बरे च व्यापक रणनीतिक सांझेदारी नै बक्ख-बक्ख क्षेत्रें च मजबूत सहयोग विकसित हुंदे होई

दिक्खेआ ऐ। दौनें नेताएं दक्खी सरबंधें गी मजबूत करने च जीवंत भारतीय मूल दे प्रवासियें आसेआ निभाई गेदी भूमिका पर जोर दित्ता। श्री मोदी होरें प्रधानमंत्री अलबनीज होरें गी भारत औने लेई साद्दा दित्ता जिस च सालाना शिखर सम्मेलन ते क्वाड शिखर सम्मेलन शामिल ऐ। इस बरे दे अखीर च भारत च आयोजित कीते जांगन।

<><><><><><>

Rijju-Vietnam

संसदीय कार्य ते अल्पसंख्यक मामलें दे मंत्री किरन रिजिजू होरें अज्ज वियतनाम दे हो ची मिन्ह शैहर च वेसाक दे संयुक्त राष्ट्र दिवस दे उद्घाटन समारोह गी संबोधित कीता। श्री रिजिजू होरें प्रधानमंत्री नरेंद्र मोदी हुंदे आसेआ दित्ती गेदी शुभकमना ते सन्देश बी दित्ते। उनें आखेआ जे भगवान बुद्ध दी कालातीत शिक्षा वर्तमान वैश्विक चुनौतियें चा केइयें लेई गहन अंतरदृष्टि ते हल प्रदान करदी ऐ। श्री रिजिजू होरें जिक्र कीता जे भारत दी पहल मिशन लाइफ पर्यावरण लेई जीवनशैली जेडी साड्डे सांझा ग्रह पर व्यक्तिगत विकल्पें दे प्रभाव दे बारै जागरूकता गी बढ़ावा दिंदी ऐ, बौद्ध दर्शन च गहराई च रूज्झी दी ऐ। उनें भगवान बुद्ध दे अनुयायियें गी भारत च उंदी शिक्षा कन्नै जुडे दे पवित्र थाहरें दी जात्तरा करने ते इस जीवित विरासत कन्नै जुड़ने लेई साद्दा दित्ता। इस मौके पर श्री रिजिजू होरें वियतनाम दे राष्ट्रपति लुओंग कुओंग कन्नै बी मलाटी कीती।

<><><><><><>

SC-Maha Local bodies Poll

सुप्रीम कोर्ट नै अज्ज महाराष्ट्र राज्य चुनांऽ आयोग गी 4 हफ्ते दे अंदर राज्य च मकामी निकाय चुनां दी अधिसूचना जारी करने दा निर्देश जारी कीता ऐ। होरनें पिछड़ा वर्ग लेई आरक्षण कन्नै सरबंधित मुकद्दमे करी राज्य च मकामी निकाय चुनांऽ बरें 2022 थमां रूके देन। न्यामूर्ति सूर्यकांत ते न्यामूर्ति एन. कोटिश्वर सिंह दी पीठ नै आखेआ ऐ जे स्थानीय निकाएं दे चुनांऽ ओबीसी आरक्षण दे मताबक होग जेडी जुलाई 2022 च बंठिया आयोग दी रिपोर्ट पेश करने कौला पैहले मजदूर हे।

<><><><><><>

IWT-Supervisor

सरकार आसेआ पाकिस्तान कन्नै सिंधू पानी संधि दे कई सरिस्तें गी मुअत्तल करने सरबंधी लैते गेदे हाल दे फैसलें दा समूलचे रियासी जिले दे मुकामी लोकें तगरा समर्थन कीता ऐ। चिनाब नदी इलाके च पानी दा इक्क मुख साधन ऐ। पिछले किश हफ्ते सवां पानी दा स्तर घट्ट होई गेदा ऐ। पानी दा स्तर घट्टने कन्नै करसानें ते मुकामी बसनीकें गी चैंता बनी गेदी ही जेडे राई-बाई ते रोजाना दे इस्तेमाल लेई नदी दे पानी पर निर्भर न। घट्ट बहाव गी मौजूदा संधि बवस्था तैहत नियंत्रित बहाव दे खलाफ अकुशलता कन्नै जोड़ेआ जा करदा ऐ। इस निलंबन गी ना छड़ा इक्क रणनीतिक कूटनीतिक गेंऽ दे तौरा पर दिक्खेआ जा करदा ऐ, सगुआं मकामी विकास ते संसाधन सुरक्षा गी पैहल देने दे आह्वान दे तौर पर दिक्खेआ जा करदा ऐ।

<><><><><><>

Pak-Intruder

पुंछ जिले आहली कब्जा रेखा कन्नै लगदे इलाके च सुरक्षाबलें इक पाकिस्तानी घुसपैठिए गी गिरफ्तार कीता ऐ। एहदी उमर 20-25 बरे बश्कार दस्सी जा'रदी ऐ। सुरक्षाबलें इसी कब्जा रेखा कश इत्त भेठा घुसपैठ करदे फगड़ेआ। अगड़ी पुच्छ-पड़ताल लेई हिरासत च लैता गेआ ऐ।

<><><><><><>

Polythene-Seizers

गैर कनूनी भंडारन ते बंदश आहला समेयान दी बंड बिक्री करने खलाफ इक्क महत्वै आहली कार्रवाई च जम्मू म्युनिसिपल कार्पोरेशन, जेएमसी नै नरवाल इलाके च तकरीबन 40 मीट्रिक टन मोमी लफाफा जब्त कीता ऐ। जेएमसी दे कमिशनर देवंश यादव हुंदी अगुवाई च एह कार्रवाई कीती गेई। राजीव नगर रोड कोल इक्क गोदाम च मोमी लफाफें कन्नै भरोचे दा इक्क ट्रक फगड़ी लैता गेआ। छापे दौरान टीम नै गुटखे दा बड्डा भंडार बी जब्त कीता। जेएमसी दे कमिशनर यादव होरें आखेआ जे जब्त कीता गेदा पालिथीन इक्क बारी बरतोने आहली प्लास्टिक ऐ जेदे पर बंदश लगगी दी ऐ।

<><><><><><>

PDS-Coverage

समूलचे जम्मू-कश्मीर च खुराक, सुरक्षा सरिस्ते गी निगगर बनाने दे मकसद कन्नै खुराक, सिविल सप्लाई ते उपभोक्ता मामले जम्मू-कश्मीर सरकार नै सार्वजनिक बंड बिक्री सरिस्ते तैहत उन्नत समावेशी उपाऽ कीते ना। उपभोक्ता, सिविल सप्लाई ते खुराक मंत्री सतीश शर्मा होरें एहदे बारे जानकारी दिती।

<><><><><><>